

2º Feitos.

-Mediante Decreto 17/2009, do 21 de xaneiro, aprobouse o Plan de prevención de riscos laborais para a Administración xeral da xunta de Galicia.

-Mediante esta orde publicase o procedemento xestión de emerxencias do Plan de prevención de riscos laborais.

-Atópanse á disposición do centro de traballo, o documento de medidas de emerxencia elaborado polo Servizo de Prevención de Riscos Laborais.

Xa que logo:

Designo a... , como:

- Xefe de Emerxencia.
- Xefe de Intervención.
- Membro do Equipo de Primeira Intervención.
- Membro do Equipo de Alarma e Evacuación.
- Membro do equipo de Primeiros Auxilios.

En..... o..... de..... de.....

O responsable do centro de traballo ou sector.

Asdo.

Recibín

### III. OUTRAS DISPOSICIÓNS

#### VICEPRESIDENCIA DA IGUALDADE E DO BENESTAR

*Orde do 11 de marzo de 2009 pola que se establecen as bases polas que se rexerá a concesión da prestación económica de pagamento único por fillas e fillos menores de tres anos para o ano 2009.*

O Estatuto de autonomía de Galicia, no seu artigo 27.23º asígnalle á comunidade autónoma competencia exclusiva en materia de asistencia social.

A Lei 3/1997, do 9 de xuño, galega da familia, a infancia e da adolescencia, establece, no seu artigo 3.2º, como principio reitor da actuación dos poderes públicos de Galicia o impulso dunha política integral de apoio á familia que teña en conta as súas necesidades básicas e as dos seus membros, regulando, segundo o artigo 11.3º, aquelas prestacións económicas ou técnicas que teñan por obxecto incidir favorablemente nas situacións de carencia familiar.

O procedemento establecido nesta orde non se trata dun procedemento de concorrencia competitiva porque a percepción da prestación está unicamente condicionada polo requisito de non estar obrigado a presentar a declaración da renda por razón dos ingresos obtidos en 2007.

A Xunta de Galicia, co fin de paliar, na medida do posible, os gastos dos primeiros anos de crianza dun fillo/a, establece deducións da cota íntegra autonómica do imposto sobre a renda das persoas físicas polo nacemento de fillos/as. Por outra banda, a Lei 16/2008, do 23 de decembro, de orzamentos xerais da comunidade autónoma para o ano 2009, prevé na súa disposición adicional sétima que aquelas persoas que, na data de entrada en vigor desta lei, tivesen fillos/as menores de tres anos terán dereito a percibir unha prestación de 360 euros por cada un deles cando, por razón dos ingresos obtidos durante o ano 2007, nin eles nin ningún dos membros da súa unidade familiar estivesen obrigados a presentar a declaración polo imposto sobre a renda das persoas físicas correspondente a ese período. A percepción desta prestación axustarase ao procedemento que estableza a Vicepresidencia da Igualdade e do Benestar, pero exixirá xustificación documental dos requisitos precisos para o seu gozo, sen que o mesmo fillo/a poida dar lugar a máis dunha prestación. Esta orde ten por obxecto regular os requisitos e o procedemento para a percepción desta prestación.

Esta orde adáptase ao disposto na Lei 9/2007, do 13 de xuño, de subvencións de Galicia, e demais normativa de desenvolvemento; así mesmo, adáptase ao disposto na Lei 38/2003, do 17 de novembro, xeral de subvencións, así como ao seu regulamento aprobado polo Real decreto 887/2006, do 21 de xullo, tendo en conta en todo caso os principios de publicidade, transparencia, concorrencia, obxectividade, igualdade, non-discriminación e eficacia no cumprimento dos obxectivos fixados pola administración da Xunta de Galicia e eficiencia na asignación e na utilización dos recursos públicos.

Con este fin, na Lei 16/2008, do 23 de decembro, de orzamentos xerais da Comunidade Autónoma de Galicia para o ano 2009, na aplicación 05.30.312B.480.0, existe partida orzamentaria consignada pola contía de 4.950.000 euros para as prestacións que se establecen no articulado desta orde. Este crédito poderá ser obxecto de ampliación, tal e como se establece no artigo 7.Un g) da referida Lei 16/2008, de orzamentos.

Na súa virtude, en uso das facultades que teño atribuídas,

#### DISPOÑO:

Artigo 1º.-*Obxecto.*

Esta orde ten por obxecto establecer as bases polas cales se rexerá a concesión da prestación familiar por fillo/a menor de tres anos, así como a convocatoria destas axudas para este ano 2009.

Artigo 2º.-*Persoas beneficiarias.*

1. Poderán ser beneficiarias desta prestación aquelas persoas que teñan fillos/as menores de tres anos na data do 1 de xaneiro de 2009 (nados entre

o 2-1-2006 e o 1-1-2009, incluídos) e que, por razón dos ingresos obtidos durante o ano 2007, nin elas nin ningún membro da unidade familiar estivesen obrigadas a presentar a declaración do imposto sobre a renda das persoas físicas correspondente a este período.

Quedan excluídas aquelas unidades familiares cuxos ingresos, considerados de forma individual ou conxunta segundo a opción de tributación elixida, superasen no exercicio 2007 os 22.000 euros, sumadas as bases impositibles xeral e do aforro da declaración do IRPF.

No caso de fillos/as adoptados/as ou acollidos/as entre o 31 de decembro de 2007 e o 31 de decembro de 2008, a prestación concederáse durante os tres anos posteriores á data da inscrición da adopción ou do acollemento no Rexistro Civil. Cando non sexa necesaria a inscrición, a prestación concederáse a partir da data da resolución xudicial ou administrativa que a declare.

2. Nos supostos de nulidade, separación ou divorcio dos proxenitores, o beneficiario da prestación será o pai/nai que teña a custodia dos fillos/as, de acordo co establecido no convenio regulador ou sentenza de separación ou divorcio.

3. En ningún caso poderán ser beneficiarios os proxenitores privados da patria potestade dos seus fillos/as, ou se a tutela ou garda fora asumida por unha institución pública.

4. Os estranxeiros que residan en Galicia poderán beneficiarse desta prestación sempre que cumpran as condicións da Lei orgánica 4/2000, sobre dereitos e liberdades dos estranxeiros en España, e os requisitos establecidos nesta norma e tivesen a condición de contribuíntes para os efectos do disposto na Lei 35/2006, do 28 de novembro, do imposto da renda das persoas físicas.

5. As persoas beneficiarias teñen que cumprir os requisitos establecidos no artigo 10 da Lei 9/2007, do 13 de xuño, de subvencións de Galicia.

#### Artigo 3º.-*Requisitos.*

Será requisito necesario para a concesión da prestación:

-Que os proxenitores teñan a súa residencia habitual en Galicia. No caso de que da documentación presentada se poida deducir que isto non é así, poderáselles requirir que presenten documentación complementaria que o demostre.

-Que na data da solicitude os nenos/as convivan coa persoa solicitante.

#### Artigo 4º.-*Tipo de axuda e contía.*

A prestación consistirá nun pagamento único por cada fillo/a menor de tres anos, sendo a contía da prestación de 360 euros por cada un dos fillos/as,

sen que o mesmo fillo/a poda dar lugar a máis dunha prestación en virtude desta convocatoria.

#### Artigo 5º.-*Solicitudes e documentación.*

##### 1. Novas solicitudes:

A solicitude formalizarase no modelo oficial que figura como anexo I desta orde, xunto coa seguinte documentación:

a) Fotocopia do DNI/NIF ou NIE da persoa solicitante e do seu cónxuxe ou parella.

b) Fotocopia do libro de familia ou certificación literal de nacemento do rexistro civil de cada un dos fillos/as menores de tres anos.

c) Certificado de empadramento conxunto de toda a unidade familiar.

d) Copia da sentenza de nulidade, separación ou divorcio e do convenio regulador, de ser o caso.

e) Nos supostos de adopción ou tutela, copia do auto xudicial de adopción ou da resolución xudicial de constitución da tutela.

f) Fotocopia da folia da libreta ou cartilla de aforros en que figure o número de conta en que se desexa recibir o ingreso, e na cal deberá figurar como titular a persoa que asina a solicitude. No caso de non dispoñer de cartilla ou libreta de aforros, poderá presentarse unha certificación bancaria que indique expresamente que a persoa solicitante é titular da conta a que se refire.

g) Unha declaración do conxunto de todas as axudas solicitadas ou concedidas por este mesmo concepto por calquera administración pública, ou calquera dos seus organismos, entes ou sociedades (anexo III).

Respecto do solicitante, a presentación da solicitude da prestación comportará a autorización da secretaría xeral da Igualdade para obter da Axencia Estatal de Administración Tributaria e da Consellería de Economía e Facenda os datos de carácter tributario necesarios para a determinación da renda, e para o pagamento da prestación, sendo necesaria a autorización expresa do resto dos membros da unidade familiar, que deberán presentar debidamente cuberto o anexo II.

##### 2. Solicitudes para persoas anteriormente beneficiarias:

Se a persoa solicitante recibiu a prestación familiar por fillo menor de tres anos no ano 2008 e non ten solicitadas nin concedidas outras axudas por este mesmo concepto, só terá que presentar a solicitude formalizada no modelo oficial (anexo I), sempre e cando non se modificasen as circunstancias persoais, xurídicas e económicas determinantes do dereito de prestación.

Neste caso, poderá obterse a solicitude debidamente cuberta no enderezo <http://www.xunta.es/aplicacions/pfc>.

Aquelas solicitudes que se presenten eliminando delas algún dos proxenitores que figuraba o ano anterior, deberán estar acompañadas da xustificación documental correspondente:

-En caso de separación, copia da sentenza de nulidade, separación ou divorcio e do convenio regulador, de ser o caso.

-No caso de parellas de feito, certificado de emparellamento conxunto de toda a unidade familiar, que poderá substituírse por un informe dos servizos sociais do concello.

-En caso de falecemento, certificado de defunción ou copia da folla do libro de familia onde figure esta circunstancia.

3. Solicitudes para persoas que non foron anteriormente beneficiarias e solicitaron a prestación.

Deberán achegar a documentación establecida no artigo 5.1º desta orde para as novas solicitudes.

En calquera dos tres casos, se a solicitude non estiver debidamente cuberta ou non se presentar a documentación sinalada, requirirase o interesado para que no prazo de 10 días emende a falta ou presente os documentos preceptivos, con indicación de que, se así non o fixer, se entenderá que desiste da súa petición, logo da resolución que deberá ser ditada nos termos previstos no artigo 42 da Lei 30/1992, do 26 de novembro, de réxime xurídico das administracións públicas e do procedemento administrativo común.

*Artigo 6º.-Lugar e prazo para a presentación de solicitudes.*

1. O prazo de presentación das solicitudes será de corenta días naturais, contado a partir do día seguinte ao da publicación desta orde no *Diario Oficial de Galicia*.

2. A presentación da solicitude poderá facerse, á escolla da persoa solicitante, por vía escrita ou por vía telemática:

a) Vía escrita:

A solicitude mais a documentación requirida presentarse na oficina do Rexistro xeral do edificio administrativo San Caetano en Santiago de Compostela ou nos rexistros das delegacións provinciais da Vicepresidencia da Igualdade e do Benestar, sen prexuízo do disposto no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.

b) Vía telemática:

A vía telemática establécese como un mecanismo de presentación nun único trámite para aqueles solicitantes que reúnan os seguintes requisitos:

-A persoa solicitante deberá ter sido beneficiario/a destas axudas no ano 2008, e non ter variado as circunstancias persoais, xurídicas e económicas determinantes do dereito á prestación.

-A persoa solicitante non deberá ter solicitadas ou concedidas outras axudas por fillos/as menores de tres anos para esta mesma finalidade.

-As persoas solicitantes deberán posuír un certificado dixital baixo a norma X.509 V3 expedido pola Fábrica Nacional de Moeda e Timbre, Real Casa da Moeda.

Poderá accederse a esta vía de presentación a través da aplicación informática establecida no enderezo da internet <http://www.xunta.es/aplicacions/pfc>, onde se disporán os medios de axuda para a presentación de solicitudes.

Unha vez asinado co certificado dixital do solicitante o anexo I da solicitude, procederase á transferencia telemática da dita documentación ao Rexistro Telemático da Xunta de Galicia creado polo Decreto 200/2003, do 20 de marzo.

*Artigo 7º.-Resolución.*

1. Correspóndelle ao vicepresidente da Igualdade e do Benestar a resolución destas axudas no prazo de 6 meses contado desde o día seguinte ao da data en que a solicitude tivese entrada no rexistro do órgano competente para a súa tramitación.

Transcorrido o dito prazo sen se ditar resolución expresa, as solicitudes teranse por desestimadas.

2. As resolucións ditadas neste procedemento esgotan a vía administrativa e contra elas pode interpoñerse recurso contencioso-administrativo ante o Tribunal Superior de Xustiza de Galicia, no prazo de dous meses a partir do día seguinte ao da notificación da resolución, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

Potestativamente, e con anterioridade á interposición do referido recurso contencioso-administrativo, poderá interpoñerse recurso de reposición ante o órgano que ditou o acto, no prazo dun mes a partir do día seguinte ao da notificación da dita resolución. Neste caso non poderá interpoñerse recurso contencioso-administrativo ata que sexa resolto expresamente ou por desestimación presunta o recurso de reposición.

*Artigo 8º.-Compatibilidade.*

As prestacións reguladas nesta orde serán compatibles con calquera outra establecida tanto polas administracións públicas ou calquera dos seus organismos, entes ou sociedades, como por calquera entidade privada.

Toda alteración das condicións tidas en conta para a concesión da subvención e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou internacionais, poderá dar lugar á modificación da resolución de concesión.

*Artigo 9º.-Pagamento.*

O pagamento das prestacións reguladas nesta orde farase unicamente na conta que os solicitantes fixen constar no anexo I. Esta conta ten que permanecer activa en canto non se teña constancia da finalización do expediente. A Administración non se fará responsable da imposibilidade de efectuar o ingreso por causas alleas á propia tramitación do expediente.

O pagamento axustarase ao establecido no Decreto legislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia, modificado pola Lei 14/2004, do 29 de decembro, de medidas tributarias e de réxime administrativo, en todo o que non estea derogado pola Lei 9/2007, do 13 de xuño, de subvencións de Galicia.

*Artigo 10º.-Obrigas dos beneficiarios.*

As persoas beneficiarias das axudas obríganse a observar o disposto no artigo 11 da Lei 9/2007, do 13 de xuño, de subvencións de Galicia, especificamente o seguinte:

a) Cumprir o obxectivo e executar as accións que fundamentan a concesión das subvencións.

b) Someterse ás actuacións de comprobación, que efectuará o órgano concedente, así como a calquera outra actuación, sexa de comprobación ou control financeiro, que poidan realizar os órganos de control competentes, tanto autonómicos como estatais ou comunitarios, para o que se achegará canta información lle sexa requirida no exercicio das actuacións anteriores.

c) Comunicarlle ao órgano concedente a obtención doutras subvencións, axudas, ingresos ou recursos que financien as actividades subvencionadas, así como a modificación das circunstancias que fundamentasen a concesión da subvención.

Esta comunicación deberá efectuarse no momento en que se coñeza e, en todo caso, con anterioridade á xustificación da aplicación dada aos fondos percibidos.

*Artigo 11º.-Revogación da prestación.*

Procederá o reintegro, total ou parcial, das axudas públicas, xunto cos xuros de demora producidos segundo o disposto no artigo 33 da Lei 9/2007, do 13 de xuño, de subvencións de Galicia nos seguintes casos:

a) A obtención da subvención falseando as condicións requiridas para iso ou ocultando aquelas que o impedisen.

b) Incumprimento total ou parcial do obxectivo, da actividade, do proxecto ou non adopción do comportamento que fundamentou a concesión da subvención.

c) Resistencia, escusa, obstrución ou negativa ás actuacións de comprobación e control financeiro previstas nos artigos 11 e 12 da Lei 9/2007, do 13 de xuño, de subvencións de Galicia, así como o incumprimento das obrigas contables, rexistrais ou de conservación de documentos cando diso derive a imposibilidade de verificar o emprego dado aos fondos percibidos, o cumprimento do obxectivo, a realidade e regularidade das actividades subvencionadas, ou a concorrencia de subvencións, axudas, ingresos ou recursos para a mesma finalidade, procedentes de calquera administración ou entes públicos ou privados, estatais, da Unión Europea ou de organismos internacionais.

*Disposicións adicionais*

Primeira.-As persoas beneficiarias encóntrase suxeitas ao réxime de infraccións e sancións que en materia de subvencións establece o título IV da Lei 9/2007, do 13 de xuño, de subvencións de Galicia.

Segunda.-As prestacións económicas concedidas non se publicarán no *Diario Oficial de Galicia*, por ser un dos supostos de excepción contidos no artigo 15.2º da Lei 9/2007, do 13 de xuño, de subvencións de Galicia e no artigo 9.3º do Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade autónoma de Galicia para o ano 2006.

*Disposicións derradeiras*

Primeira.-Esta orde entrará en vigor o día seguinte ao da súa publicación no *Diario Oficial de Galicia*.

Segunda.-Facúltase o órgano competente desta vicepresidencia para ditar cantas disposicións sexan precisas en relación con esta norma.

Santiago de Compostela, 11 de marzo de 2009.

Anxo Manuel Quintana González  
Vicepresidente da Igualdade e do Benestar



**XUNTA DE GALICIA**  
VICEPRESIDENCIA DA  
IGUALDADE E DO BENESTAR

ANEXO I

PROCEDEMENTO <b>PROGRAMA DE PRESTACIÓN POR FILLOS/AS MENORES DE TRES ANOS</b>	CÓDIGO DO PROCEDEMENTO <b>VP410A</b>	DOCUMENTO <b>SOLICITUDE</b>
--	---	--------------------------------

**DATOS DO SOLICITANTE (PAI OU NAI)**

APELIDOS	NOME	NIF/NIE
ENDEREZO	PROVINCIA	CONCELLO
LOCALIDADE	CÓDIGO POSTAL	TELÉFONO
		CORREO ELECTRÓNICO

**DATOS DO CÓNXUXE OU PARELLA (SE É O CASO)**

NIF	APELIDOS	NOME
-----	----------	------

**BENEFICIARIO DA AXUDA EN 2008**

SI  NON

**DATOS DOS FILLOS/AS MENORES DE TRES ANOS**

APELIDOS E NOME	DATA DE NACEMENTO/ADOPCIÓN OU ACOLLEMENTO

**DOCUMENTACIÓN QUE SE ACHEGA SEGUNDO O EXIXIDO NO ARTIGO 5 DA ORDE (SINALE CUN X)**

<input type="checkbox"/> FOTOCOPIA DO DNI/NIE DA PERSOA SOLICITANTE E DO CÓNXUXE OU PARELLA.	<input type="checkbox"/> COPIA DA SENTENZA DE NULIDADE, SEPARACIÓN OU DIVORCIO E DO CONVENIO REGULADOR.
<input type="checkbox"/> CERTIFICACIÓN LITERAL DA INSCRIPCIÓN DO NACEMENTO NO REXISTRO CIVIL DOS FILLOS/AS MENORES DE TRES ANOS OU FOTOCOPIA DO LIBRO DE FAMILIA.	<input type="checkbox"/> CERTIFICADO DE EMPADROAMENTO DO CONXUNTO DA UNIDADE FAMILIAR OU INFORME DOS SERVIZOS SOCIAIS DO CONCELLO (PARELLAS DE FEITO).
<input type="checkbox"/> CERTIFICADO DE EMPADROAMENTO CONXUNTO DA UNIDADE FAMILIAR.	<input type="checkbox"/> FOTOCOPIA DA CARTILLA DE AFORROS OU CERTIFICACIÓN BANCARIA.
<input type="checkbox"/> COPIA DO AUTO XUDICIAL DE ADOPCIÓN.	<input type="checkbox"/> DECLARACIÓN AXUDAS (ANEXO III).
<input type="checkbox"/> RESOLUCIÓN XUDICIAL DE CONSTITUCIÓN DA TUTELA.	

**DATOS BANCARIOS**

CÓDIGO DO BANCO	CÓDIGO DA SUCURSAL	DC	CÓDIGO DA CONTA CORRENTE
NOME DA ENTIDADE BANCARIA		ENDEREZO (RÚA E NÚMERO)	
PROVINCIA	CONCELLO	CÓDIGO POSTAL	

D/Dnd \_\_\_\_\_

DECLARA QUE:  PERCIBIU OU SOLICITOU OUTRAS AXUDAS POR FILLO/A MENOR DE TRES ANOS  
 NON PERCIBIU NIN SOLICITOU

LEXISLACIÓN APLICABLE

*Orde do 11 de marzo de 2009 pola que se establecen as bases polas que se rexerá a concesión da prestación económica de pagamento único por fillas e fillos menores de tres anos para o ano 2009.*

SINATURA DO/DA SOLICITANTE OU PERSOA QUE O/A REPRESENTA

\_\_\_\_\_ de \_\_\_\_\_ de 200

**(Para cubrir pola Administración)**

RECIBIDO	NÚMERO DE EXPEDIENTE
REVISADO E CONFORME	DATA DE ENTRADA
	DATA DE EFECTOS
	DATA DE SAÍDA

*ANEXO II*

D/Dna , con DNI/NIE nº   
 e con motivo da solicitude da prestación por fillas e fillos menores de tres anos, segundo a Orde do   
 publicada no DOG do

**AUTORIZA** a Secretaría Xeral da Igualdade para que, conforme o disposto no artigo 2.4º da orde do Ministerio de Economía e Facenda do 18 de novembro de 1999, solicite da Axencia Estatal de Administración Tributaria e da Consellería e Facenda a información a que se refire o artigo 78.4º c) da Lei de réxime financeiro e orzamentario de Galicia, en relación co cumprimento das súas obrigas tributarias estatais e coa Comunidade Autónoma de Galicia.

, de de 200

SINATURA

Debe asinar o proxenitor que non apareza como persoa solicitante

*ANEXO III*

Don/Dna , con DNI/NIE nº

**DECLARA:**

- Que non solicitou nin percibiu doutra Administración pública ou calquera dos seus organismos, entes ou sociedades, ningunha axuda por fillos/as menores de tres anos.
- Que ten solicitadas ou concedidas as seguintes axudas por fillas/os menores de tres anos.

	<u>Administración pública/organismo/ente ou sociedade</u>	<u>Importe</u>
1.	<input type="text"/>	<input type="text"/>
2.	<input type="text"/>	<input type="text"/>
3.	<input type="text"/>	<input type="text"/>

, de de 200

(Sinale a opción que corresponda)